

## Allannguutissatut siunnersuut

uunga

**Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisissaattut siunnersuut.**

Pingajussaaneerpeqarnissaanut Naalackersuisunit saqqummiusaaq.

## § 13-imut

**1. § 13, imm. 3, ima oqaasertalerneqassaaq:**

*”Imm. 3. Qanganisarsiornikkut misissuineq piaarnerpaamik suliarineqassaaq, qaammatillu 18-it qaangiutsinnagit naammassereersimassalluni, pissutsit immikkut ittut atuutsinnagit. Piffissaliusaaq naatsorsorneqassaaq misissuinissamik qinnuteqaateqartoqarneraniit, tak. imm. 1, imaluunniit qanganisarsiornikkut misissuisoqarnissaanik aalajangiussinerup, tak. imm. 2, sanaartortitsisumut imaluunniit assaanermik akiliisussamut nalunaarutigineraniit.”*

**2. § 13, imm. 3, kingorna imm. 4-tut ikkunneqassaaq:**

*”Imm. 4. Qanganisarsiornikkut misissuineq sioqqullugu qanganisarsiornikkut naliliisoqarsimappat, tak. § 12, qanganisarsiornikkut naliliineq aamma qanganisarsiornikkut misissuineq tamarmik qaammatit 18-it qaangiutsinnagit naammassereersimassapput, pissutsit immikkut ittut atuutsinnagit. Piffissaliusaaq naatsorsorneqassaaq qanganisarsiornikkut naliliinissamik qinnuteqartoqarneraniit, tak. § 12, imaluunniit qanganisarsiornikkut naliliisoqarnissaanik aalajangiussinerup, tak. § 12, imm. 2, sanaartortitsisumut imaluunniit assaanermik akiliisussamut nalunaarutigineraniit.”*

## § 32-mut

**3. § 32, imm. 1-imi”§ 6, imm. 1-3,” kingorna ilanngunneqassaaq: ”§ 7, imm. 4,”.**

## Kalaallisuuani aalajangersakkanut arlaqartunut

**4. Siunnersuutip kalaallisuuani uku allanngorneqassapput:**a) § 1, imm. 4, allanngussaaq: *”Imm 4.” imaalersillugu: ”Imm. 4.”.*b) § 7, imm. 2-mi *”atorunnarsitsinissaaq” imaalissaaq: ”atorunnaarsitsinissaaq”.*

- c) § 8, imm. 1-imi "uppernarsaasersorneqarnissanut" imaalissaaq: "uppernarsaasersorneqarnissaannut".
- d) § 9, imm. 1-imi, aamma § 14, imm. 1-imi, "Atuagaateqarfiatalu" imaalissaaq: "Allagaateqarfiatalu".
- e) § 14, imm. 1-imi, "aningaasartuutitsat" imaalissaaq: "aningaasartuutissat".
- f) § 24, immk. 5-imi, "eqqissimatitassanngortinneqarnissaannut" imaalissaaq: "eqqissimatitassanngortinneqarnissaannut".
- g) § 25, imm. 2-mi, "tun ineqarsimasut" imaalissaaq: "tunineqarsimasut" aamma "sivisusseqassaaq" imaalissaaq: "sivisussuseqassaaq".
- h) § 30-mi, "Pinngitsaaliissumik" imaalissaaq: "Pinngitsaaliissummik".
- i) § 32, imm. 4-mi, "Akiliisussanngortitsineq" imaalissaaq: "Akiliisussanngortitsineq".

### **Nalinginnaasumik oqaaseqaatit**

Allannguutissatut siunnersuut saqqummiunneqarpoq, tamanna pillugu Inatsisartut Kultureqarnermut, Ilinniartitaanermit, Ilisimatusarnermut Ilageeqarnermullu Ataatsimiititaliaata siunnersuutip aappasaaneerneqarnissaanut isumaliutissiissummini inassuteqarnera tunngavigalugu.

Allannguutissatut siunnersuummut ilaatigut pissutaapput siunnersuutip siullermeerlugu oqallisiginerata kingorna siunnersuummi siunertamut naapertuutinningsualuit paasineqarmata aamma siunnersuutip kalaallisuuani oqaatsitigut kukkunerit paasineqarmata.

### **Aalajangersakkanut ataasiakkaanut oqaaseqaatit**

#### *Nr. 1-imit*

Siunnersuutikkut maannamut § 13, imm. 3-mi naggatit aappaat atorunnaarpoq, ilutigisaanillu siunnersuutigineqarpoq taanna maanna § 13, imm. 4-p ilaatut ikkunneqassasoq. Maannamut naggatit aappaanni aalajangersakkami pineqarpoq qanganisarsiornikkut misissuinerup siornagut siunnersuummi § 12 naapertorlugu qanganisarsiornikkut naliliisoqarsimanera. Kisianni maannamut naggatit pingajuanni pineqarpoq, qanganisarsiornikkut misissuineq sioqqullugu qanganisarsiornikkut naliliisoqarsimanginnera. Tamatuma nassatarisaanik siunertamut naapertuuttutut isigineqarpoq imm. 3-mi taamaallaat taamatut pisoqarnera pineqarpat, kisiannili qanganisarsiornikkut nalileeqqartoqarnera immikkoortoq 4-mi malittarisassiunneqassasoq siunnersuutigineqarluni.

Allannguinnikkut aalajangersarneqarpoq, qanganisarsiornikkut misissuinissamut piffissaliusseq misissuinissamik qinnuteqartoqarneraniit imaluunniit

qanganisarsiornikkut misissuinissap qaqugumiit pinissaata aalajangiunneraniit naatsorsorneqassasoq. Taamaaliornikkut aalajangersagaq § 12, imm. 3-mi qanganisarsiornikkut naliliinerit pillugit assingusumik aalajangersakkamut naapertuutilerpoq.

*Nr. 2-mut*

Siunnersuutip tunuliaqutaa pillugu nr. 1-imut oqaaseqaatit innersuunneqarput. Siunnersuutikkut erseqqissarneqarpoq, qanganisarsiornikkut misissuisoqannginnerani siunnersuummi § 12 naapertorlugu qanganisarsiornikkut naliliisoqarsimatillugu, qanganisarsiornikkut naliliineq aamma qanganisarsiornikkut misissuineq ataatsimut isigalugit qaammatit 18-it qaangiutsinnagit naammassereersimassasut, pissutsit immikkut ittut atuutsinnagit. Ilutigisaanik erseqqissarneqarpoq, taama pisoqartillugu piffissaliusaaq naatsorsorneqartassasoq qanganisarsiornikkut naliliisoqarnissaanik qinnuteqarnermiit imaluunniit qanganisarsiornikkut naliliinissap sanaartortitsisumut imaluunniit assaanermik akiliisussamat nalunaarutigineraniit.

*Nr. 3-mut*

Allannguutissatut siunnersuummut tunuliaqutaavoq paasineqarmat § 32-mi kinguneqartitsisinnaanermik aalajangersakkani § 7, imm. 4-mi aalajangersagaq innersuunneqarsimanngitsoq, taamaalillunilu aalajangersakkamik taassumanga unioqqutitsineq akiliisitaanermik nassataqarsinnaani. Tamanna siunertarineqanngilaq. Taamaalilluni allannguutissatut siunnersuutip siunertaraa tamatuma periarfissaqalernissaa, taamaalillunilu § 7, imm. 4-mi aalajangersakkamik unioqqutitsineq § 19, imm. 3-mi aamma § 25, imm. 3-mi aalajangersakkat assigalugit kinguneqartinneqarsinnaalissalluni.

*Nr. 4-mut*

Litra d-mi allannguutissatut siunnersuut eqqaassanngikkaanni allannguutissatut siunnersuutit naqinnerliukkat paasisat pissutigalugit siunnersuutaapput. Litra d-mut tunngatillugu kukkunikkut oqariaaseq eqqunngitsoq atorneqarsimavoq.